



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

lejunia, ab Ecclesia indicta, reverenter observanda. 2

**urn:nbn:de:hbz:466:1-14298**

suis Augustinum docuit, de hoc altero genere interrogantem. Tu (inquit) ad quamcunque forte Ecclesiam (nimurum in unitate Catholicae Ecclesiae permanentem) veneris, ejus modum serva, si cuiquam non vis esse scandalum, nec quenquam tibi. Sed de his, ac quatenus Ecclesiasticae istae constitutiones obligent, alibi latius dicemus.

C A P. II. *Jejunia, ab Ecclesia indicta, reverenter observanda.*

**I**ejunia ergo, ab Ecclesia indicta, reverenter observari volumus; admonendusque populus, cur sint instituta; nempe ut corpus, per intemperantiam cibi aut potus luxurians, castigetur, in servitatemque redigatur, quo animus vegetior ac liberior laudibus divinis inficit, Divinæque voluntati sese attemperet. Magnum certe & generale jejunium est, abstinere ab omnibus iniquitatibus, & ab illicitis voluptatibus feculi. Ad hoc perfectionis qui nondum pervenit, is Ecclesiæ dictum, hoc vocans, hand contemnat.

C A P. III. *Irridores Ecclesiasticorum jejuniorum refelluntur.*

**Q**vi Ecclesiæ ordinationem irrident, illi que divum Paulum opponunt, quasi <sup>Coloff. 2.</sup> <sup>1 Tim. 4.</sup> is jejunis Ecclesiasticis contradicat, gravissimam utriusque contumeliam (Apostoli doctrinam dedita opera adulterantes) inferunt. Non enim Ecclesia aliquod cibi genus perpetuo interdixit, aut Iudaicum ciborum delectum contra Apostolicam doctrinam invexit: quinimo cum Paulo semper docuit, doctrinam esse demoniorum, cibum aliquem immundum judicare & prohibere, quem Deus creavit ad percipiendum cum gratiarum actione fidelibus, & his qui cognoverunt veritatem; quod scilicet omnis creatura Dei bona sit, & nihil reiciendum, quod cum gratiarum actione percipitur. Sed potius Ecclesia, veteris legis ac Apostolicorum virorum exempla sequuta, jejunia quedam publica certis diebus indixit, jubens tum à carnis abstinere, & cibis aridioribus uti; non quod carnes immundæ sint, sed ut luxui temperetur. Qua de re in Gangreni Concilio, quod non multo post Apostolorum tempora observatum est, pari censura damnati sunt, tum hi qui nonnullos cibos carnium illicitos reputarint, tum illi qui, præter necessitatem corporalem superbientes, jejunia communia totius Ecclesiæ putaverint contemnenda, perfectam in sua scientia rationem vindicantes; quos anathema esse Concilium illud decrevit; atque alia multa, quæ nunc in contentionem rursus vocantur, ut succincte admodum, ita Christianissime Apostolico spiritu definit.

*Ex Conc.  
Gangren.*

C A P. IV. *Ecclesiæ constitutionem charitati cedere.*

**C**VR vero criminantur hostes Ecclesiæ ejus institutum, non videmus, quum ipsa nulli injiciat laqueum; quod hanc constitutionem adeo ligare non velit, ut vel charitati vel necessitatibus minime cedere debeat. Quinimo librum facit, quolibet tempore quibuslibet vesti, modo id vel charitas vel necessitas suadeat, exhibito tamen utriusque Medici, si praefit sint, aut faltem alterius, nimurum animæ, consilio.

C A P. V. *Quid in jejunio potissimum spectandum.*

**I**AM quum in jejunis ratio potius indicatio-<sup>co confi-</sup> nis, quam abstinentia ista à carnis, spe-<sup>lium. de obser-</sup> cietur; admonendus est populus, quum je-<sup>jeju-</sup> junandum erit, non minus sumptuosa & pro-<sup>va.</sup> lixa illa pescium fercula, quam carnium, vitanda; bellaria item illa, magis quam carnes in-<sup>flammantia.</sup>

C A P. VI. *Redarguntur, qui Quadragesima observationem contemnunt.*

**Q**UADRAGESIMA institutio antiquissima est, <sup>Orig. su-</sup> à temporibus Apostolorum ad nos usque <sup>per Levū,</sup> deducta; cuius violatores plerisque generali-<sup>Hieron.</sup> bus Concilii, præsertim Toletano octavo, <sup>adversus</sup> acerrime redarguntur, religionique contrarie <sup>Monta-</sup> monstrantur. Atq; adeo omnes, quotquot sine <sup>Ambro.</sup> inevitabili necessitate seu fragilitate, evidenti- <sup>in serm.</sup> que languore, seu etiam impossibilitate ætatis, <sup>de Qua-</sup> diebus Quadragesimæ esum carnium attentare <sup>dragis-</sup> præsumperint, alienos à sancta communione <sup>ma 36.</sup> decernit, quod sacris diebus abstinentiæ obli- <sup>Ex Cont.</sup> ti sint, disciplinam ac Quadragesimæ dies <sup>Toleta. 8.</sup> (quæ anni totius Decimæ putantur, quæ & in oblatione jejunii Domino consecrantur) temerarie prophanaverint. Quos vero aut atas incurvati, aut languor extenuat, aut necessitas arcat, non ante prohibita violare præsumant, quam, a Sacerdote permisum esse, percipient.

C A P. VII. *Litanie & Rogationes cur institute, & quomodo populus admonendus sit.*

**L**ITANIAS, id est, supplicationes seu Rogationes, <sup>Ex Cor-</sup> indicte tridiano jejunio ante Do-<sup>eil. Ard.</sup> mini Ascensionem, Patribus placuit celebrari: c. 23. quibus omnes interesse jubentur, ut quemadmodum omnes peccaverunt, sic & omnes provenient supplicant, omnesque ad Deum corda cum manibus elevent. Quanquam potissimum Litanie ista principio instituta sunt, ut tum popu-